



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16 i 5/22) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2021. GODINU ŽUPANIJSKE NEOVISNE LISTE

Broj: 03-07-6-427/22
Sarajevo, 25.03.2024. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Županijske neovisne liste za 2021. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2021. godinu, utvrđeno je da je Županijska neovisna lista prekršila odredbe člana 12. stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Županijske neovisne liste za 2021. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz korigovanog godišnjeg finansijskog izvještaja za 2021. godinu¹, Županijska neovisna lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	120,00	0,57
2.	Prilozi fizičkih lica (3-a)	900,00	4,31
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	18.893,55	95,12
8.	Prihodi od propagande (3-g)	0,00	0,00
I	Ukupni prihodi (1-8)	19.913,55	100,00
II	Ostali prihodi i drugo	1.000,71	0,00
	Izvori finansiranja (I+II)	20.914,26	100,00

U korigovanom godišnjem finansijskom izvještaju za 2021. godinu stranka je iskazala rashode u iznosu od 6.176,38 KM².

2. PREDSTAVLJANJE POLITIČKE STRANKE

Naziv političke stranke: Županijska neovisna lista. Skraćeni naziv: ŽNL.

Županijska neovisna lista registrovana je kod Općinskog suda u Livnu, rješenjem broj: 068-0-F1-18-000001 od 16.04.2018. godine.

Sjedište političke stranke je u Livnu, Priluka bb.

Lica ovlaštena za zastupanje stranke su Draško Dalić, predsjednik i Božo Marijan, podpredsjednik stranke.

Lice ovlašteno za podnošenje finansijskih izvještaja za 2021. godinu je Draško Dalić.

Prema podacima iz godišnjeg finansijskog izvještaja za 2021. godinu, Županijska neovisna lista nema niže nivoe organizovanja.

¹ Podaci iz korigovanog obrasca 3 (Izvori finansiranja) godišnjeg finansijskog izvještaja za 2021. godinu, koji je dostavljen dana 24.05.2023. godine.

² Podaci iz korigovanog obrasca 4 (Rashodi političke stranke) godišnjeg finansijskog izvještaja za 2021. godinu, koji je dostavljen dana 24.05.2023. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Županijske neovisne liste za 2021. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Županijske neovisne liste obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja Županijske neovisne liste u periodu od 2018. do 2019. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2019. godinu, izdat je Izvještaj o pregledu sa mišljenjem revizora, nalazima i preporukama stranci da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom, da prijavljuje priloge, bez obzira na koji način ih ostvaruje, da uspostavi potpune evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da je Županijska neovisna lista djelimično ispoštovala date preporuke.

5. NALAZI I PREPORUKE

5.1. NALAZI

Županijska neovisna lista prekršila je odredbe člana 12. stav (4) Zakona o finansiranju političkih stranaka.

Nakon Preliminarnog izvještaja o pregledu godišnjeg finansijskog izvještaja za 2021. godinu, Županijska neovisna lista je, u ostavljenom roku, dostavila očitovanje na preliminarni izvještaj. Uz očitovanje stranka je dostavila i korigovane obrasce godišnjeg finansijskog izvještaja za 2021. godinu kojima je otklonila nedostatke navedene u preliminarnom izvještaju.

Uvidom u korigovane obrasce godišnjeg finansijskog izvještaja utvrđeno je da stranka nije obrazac 2- *Pregled prometa svih transakcionih računa političke stranke* popunila u skladu sa članom 11. Pravilnika o godišnjim finansijskim izvještajima političkih stranaka, čime je prekršila odredbe člana 12. stav (4) Zakona o finansiranju političkih stranaka.

Stranka je u korigovanom obrascu 2 godišnjeg finansijskog izvještaja, za transakcioni račun broj: 3381502289626991 kod UniCredit banke, iskazala dva različita podatka o prometu i saldu računa.

Naime, stranka je u obrascu 2 za transakcioni račun broj: 3381502289626991 kod UniCredit banke iskazala početno stanje u iznosu od 14.264,61 KM, promet ulaza u iznosu od 879,34 KM, promet

izlaza u iznosu od 2.228,71 KM i stanje na dan 31.12.2021. godine u iznosu od 12.915,24 KM, a zatim je ponovo iskazala isti račun za koji je navela da je početno stanje iznosilo 275,09 KM, promet ulaza 20.914,22 KM, prometo izlaza 5.424,38 KM i stanje na dan 31.12.2021. godine je iznosilo 15.764,93 KM.

Uvidom u poslovne knjige i kontrolom izvoda sa transakcionog računa za period 01.01.-31.12.2021. godine utvrđeno je da početno stanje na ovom transakcionom računu iznosi 275,09 KM, promet ulaza 20.914,22 KM, promet izlaza 5.424,38 KM, te da stanje na dan 31.12.2021. godine iznosi 15.764,93 KM.

5.2.PREPORUKE

Preporučuje se Županijskoj neovisnoj listi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Županijska neovisna lista očitovala se na nalaze revizije i mišljenje revizora date u Preliminarnom izvještaju o pregledu godišnjeg finansijskog izvještaja za 2021. godinu i dostavila korigovane obrasce godišnjeg finansijskog izvještaja za 2021. godinu.

Služba za reviziju je uvažila sve pravilno izvršene korekcije u godišnjem finansijskom izvještaju, dok je utvrđene nedostatke u formi nalaza ugradila u Konačni izvještaj o pregledu godišnjeg finansijskog izvještaja za 2021. godinu.

Šef Odsjeka za revizijske poslove

Sanja Tošović

Revizor

Tanja Golijanin

Šef Službe za reviziju

Mr.sc Hasida Gušić